



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ
Ո Ր Ո Շ ՈՒ Մ**

14 նոյեմբերի 2018 թվականի №427Ա
քաղ. Երևան

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՁՆԱԺՈՂՈՎԻ ՄԻ ՇԱՐՔ ՈՐՈՇՈՒՄՆԵՐ ՈՒՇԸ
ԿՈՐՑՐԱԾ ՃԱՆԱԶԵԼՈՒ ՄԱՍԻՆ**

Հաշվի առնելով, որ՝

- ա) Հայաստանի Հանրապետության հանրային ծառայությունները կարգավորող հանձնաժողովի (այսուհետ՝ Հանձնաժողով) 2013 թվականի հունվարի 16-ի №2Ա, №3Ա և փետրվարի 13-ի №30Ա որոշումներով «ՕԼԻԳ» սահմանափակ պատասխանատվությամբ ընկերությանը (այսուհետ՝ Ընկերություն) տրամադրվել են ռադիոհաճախականությունների օգտագործման համապատասխանաբար №1027, №1028 և №1033 թույլտվությունները (այսուհետ՝ թույլտվություններ), իսկ 2013 թվականի հոկտեմբերի 23-ի №361Ա որոշմամբ՝ հանրային էլեկտրոնային հաղորդակցության ցանցի №1061 լիցենզիան (այսուհետ՝ լիցենզիա),
- բ) Ընկերությունը պատշաճ կարգով չի կատարել «Էլեկտրոնային հաղորդակցության մասին» Հայաստանի Հանրապետության օրենքի 17.1-րդ հոդվածով սահմանված ռադիոհաճախականության օգտագործման պարտադիր վճարների վճարման պարտավորությունը և չի վճարել «Պետական տուրքի մասին» Հայաստանի Հանրապետության օրենքի 19-րդ հոդվածի 9-րդ մասի 9.1.1.4 կետով սահմանված լիցենզավորման ենթակա գործունեության իրականացման համար սահմանված տարեկան պետական տուրքերը և դրանք ժամանակին չվճարելու համար հաշվարկված տույժի գումարները,
- գ) Հանձնաժողովի 2014 թվականի հունիսի 11-ի №188Ա որոշմամբ Ընկերությունը պարտավորեցվել է 2013 թվականի ապրիլի 1-ից մինչև 2014 թվականի հունիսի 10-ն ընկած ժամանակահատվածի համար ռադիոհաճախականությունների օգտագործման

պարտադիր վճարների մասով հաշվարկված 1 365 612 (մեկ միլիոն երեք հարյուր վաթսուհինգ հազար վեց հարյուր տասներկու) դրամ պարտքը փոխանցել Հայաստանի Հանրապետության պետական բյուջե, սակայն փոխանցել է 522 720 (հինգ հարյուր քսաներկու հազար յոթ հարյուր քսան) դրամ,

- դ) Հանձնաժողովի 2016 թվականի նոյեմբերի 16-ի №312Ա որոշմամբ Ընկերությունը պարտավորեցվել է լիցենզիայի գծով տարեկան պետական տուրքի մասով հաշվարկված 437 100 (չորս հարյուր երեսուկոթ հազար հարյուր) դրամ պարտքը փոխանցել Հայաստանի Հանրապետության պետական բյուջե,
- ե) Արարատի և Վայոց ձորի մարզերի ընդհանուր իրավասության դատարանի 2017 թվականի մարտի 31-ի վճռով Ընկերությունը սնանկ է ճանաչվել, և նույն դատարանի 2017 թվականի ապրիլի 6-ի որոշմամբ Ընկերության նկատմամբ սկսվել է լուծարման վարույթ,
- զ) Ընկերության սնանկության գործով կառավարիչը 2018 թվականի հոկտեմբերի 31-ին գրությամբ դիմել է Հանձնաժողով՝ Ընկերությանը տրամադրված լիցենզիան և թույլտվություններն ուժը կորցրած ճանաչելու խնդրանքով,
- է) Ընկերության՝ ռադիոհաճախականության օգտագործման պարտադիր վճարների մասով պարտավորությունը 2014 թվականի հունիսի 12-ից մինչև 2018 թվականի հոկտեմբերի 31-ն ընկած ժամանակահատվածի համար կազմել է 6 400 942 (վեց միլիոն չորս հարյուր հազար ինը հարյուր քառասուներկու) դրամ, իսկ լիցենզավորման ենթակա գործունեության իրականացման համար սահմանված տարեկան պետական տուրքի պարտավորությունը՝ 2016 թվականի նոյեմբերի 17-ից մինչև 2018 թվականի հոկտեմբերի 31-ն ընկած ժամանակահատվածի համար 120 400 (հարյուր քսան հազար չորս հարյուր) դրամ,

և հիմք ընդունելով «Էլեկտրոնային հաղորդակցության մասին» Հայաստանի Հանրապետության օրենքի 12-րդ հոդվածի 1-ին մասը, 17.1 հոդվածը, «Մնանկության մասին» Հայաստանի Հանրապետության օրենքի 39-րդ հոդվածի 2-րդ մասի 3-րդ կետը, 47-րդ հոդվածի 3-րդ մասը, «Լիցենզավորման մասին» Հայաստանի Հանրապետության օրենքի 37-րդ հոդվածի 1-ին մասի 7-րդ կետը, «Նորմատիվ իրավական ակտերի մասին» Հայաստանի Հանրապետության օրենքի 1-ին հոդվածի 2-րդ մասը, 37-րդ հոդվածը, Հանձնաժողովի 2011 թվականի մայիսի 11-ի №231Ն որոշումը՝ **Հանձնաժողովը որոշում է.**

1. Ուժը կորցրած ճանաչել Հանձնաժողովի՝

- 1) 2013 թվականի հունվարի 16-ի «ՕԼԻԳ» սահմանափակ պատասխանատվությամբ ընկերությանը ռադիոհաճախականությունների հատվածի օգտագործման թույլտվություն տրամադրելու մասին» №2Ա որոշումը,
- 2) 2013 թվականի հունվարի 16-ի «ՕԼԻԳ» սահմանափակ պատասխանատվությամբ ընկերությանը ռադիոհաճախականության օգտագործման թույլտվություն տրամադրելու մասին» №3Ա որոշումը,
- 3) 2013 թվականի փետրվարի 13-ի «ՕԼԻԳ» սահմանափակ պատասխանատվությամբ ընկերությանը ռադիոհաճախականության օգտագործման թույլտվություն տրամադրելու մասին» №30Ա որոշումը,
- 4) 2013 թվականի հոկտեմբերի 23-ի «ՕԼԻԳ» սահմանափակ պատասխանատվությամբ ընկերությանը հանրային էլեկտրոնային հաղորդակցության ցանցի լիցենզիա տրամադրելու մասին» №361Ա որոշումը:

2. Ընկերությանը՝ ընդունել ի գիտություն, որ ռադիոհաճախականությունների օգտագործման վճարի մասով 2014 թվականի հունիսի 12-ից մինչև 2018 թվականի հոկտեմբերի 31-ը հաշվարկված պարտքը կազմում է 6 400 942 (վեց միլիոն չորս հարյուր հազար ինը հարյուր քառասուններկու) դրամ, իսկ լիցենզիայի գծով տարեկան պետական տուրքի մասով 2016 թվականի նոյեմբերի 16-ից մինչև 2018 թվականի հոկտեմբերի 31-ը հաշվարկված պարտքը՝ 120 400 (հարյուր քսան հազար չորս հարյուր) դրամ:

3. Ընդունել ի գիտություն, որ Ընկերությունն իրավասու է.

- 1) սույն որոշման հրապարակումից հետո երեսնօրյա ժամկետում միջնորդել Հանձնաժողովին՝ վերանայելու այն.
- 2) սույն որոշումն ուժի մեջ մտնելու պահից երկամսյա ժամկետում այն բողոքարկել Հայաստանի Հանրապետության վարչական դատարան:

4. Սույն որոշումն ուժի մեջ է Ընկերությանն օրենքով սահմանված կարգով իրազեկելու օրվան հաջորդող օրվանից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ
ՍԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՁՆԱԺՈՂՈՎԻ ՆԱԽԱԳԱՆԻ ՏԵՂԱԿԱՆ**



Մ.ՍՈՂՈՍՈՆՅԱՆ